


雲中郡志



雲中郡誌卷之三

大同府知府胡文燁

同知張國宗

通判陳禹謨

通判謝祖悌

推官劉宏譽

應州知州岑紹祖

渾源州知州郎永清

蔚州知州

朔州知州胡養忠



大同縣知縣王度

懷仁縣知縣劉三章

山陰縣知縣趙民善

馬邑縣知縣徐明弼

靈丘縣知縣羅森

廣靈縣知縣范發愚

廣昌縣知縣卞為麒 校閱

舉 人丁大年

貢 生徐化溥

廩 生張元勳

李可大同校

建置誌

城池

帝之右輔晉之名邦其命維新赫赫方昌允屬統
轄虎踞雉翔百二關河萬襪金湯志城池

雲中郡

明洪武五年中山王徐達因舊土城增築周圍十三
里高四丈二尺包以磚東曰和陽南曰永泰西曰清
遠北曰武定上各建樓角樓四敵樓五十四窩舖九
十六西半屬大同前衛東半屬後衛西北角樓宏壯

緝紳多留題詠景泰間巡撫年富于城北築小城周
六里高三丈八尺門三天順間巡撫韓雍續築東小
城南小城各周五里壕深一丈五尺各三門嘉靖三
十九年巡撫李文進將南小城加高八尺隆慶間巡
撫劉應箕高增一丈厚增八尺包以磚建門樓各四
萬曆壬辰北門樓改建文昌閣至萬曆八年總兵郭
琬復加磚砌女牆萬曆三十年巡撫房守士復重修
國朝順治五年總兵姜瓖據城作叛越明年開城授首
議移鎮陽和大同廢不立官至八年佟總督養量薛
按院陳備合疏請復

嗚乎鎮城之建置昔所謂壯麗雄觀至今日而一殘
於闖變再圮於姜逆不復覩疇昔之盛矣然而規郭
固自不沒也生聚教養端有厚望焉

陽和城 首附 係重鎮也與他衛不同

明洪武三十一年中山王築周九里三十步高三丈
五尺壕深三丈門三東成安西成武南迎宣上各建
樓窩舖十四外各建月城萬曆壬辰東路范錫磚包
南關堅且嚴整崇禎四年總督魏雲中于敵臺上每
面修敵樓六座磚包壁立屹然邊鎮

懷仁縣城

洪武十六年指揮桑桂因舊城增築永樂九年指揮于忠重修周圍三里零六步高三丈壕深一丈舊惟東西二門成化元年守備姜裕增修月城二座嘉靖三十四年知縣殷宗虞守備景希賢因舊幫修增高三尺濶三尺南北添工字墩二座隆慶四年因戎騎逼城知縣劉邦彥守備葉繼文增高大牆四尺女牆俱用甃包萬曆元年部院大臣請內帑用甃石包修增高三丈八尺女牆六尺周圍七百三十七丈九尺壕深二丈水深數尺東西二門外各增土牆每關各建門二座

朔州城

秦人築即武州之馬邑父老因馬周走而依之築始不崩者也元至正末右丞相孛羅帖木兒駐兵大同使其將姚副樞省去西北築東南一隅以便守備未完而棄洪武三年指揮鄭遇春奉勅開設朔州衛依姚副樞所築舊址修完甃券四門并立門名二十一年指揮薛壽奉文用甃包砌城高三丈六尺堞高六尺共四丈二尺頂濶四丈脚濶八丈周圍一千二百六十丈堞口三千一百三十五池深三丈五尺濶一十一丈周圍一千六百八十八丈甃城四座各周圍一

百三十八丈敵臺樓一十二座門樓四角樓四鋪樓
二十四烟墩四門四東曰文德西曰武定南曰承恩
北曰鎮塞外連吊橋各樹危樓萬層十三年守道李
采菲委知州張守訓重修三十四年守道徐準委通
判郭如松濬池池以內築護城墻以外築馬驥墻

馬邑縣城

始建自秦歷漢唐宋皆土墉周圍二百七十九丈洪
武十六年朔州衛指揮孫昭修正統二年武安侯鄭
享展拓其基隆慶六年巡撫劉應箕巡按劉良弼會
議築邊城得請乃命知縣岳汴守備時爾直分督
之踰年始落成四面石基五尺上皆甃包角樓四城
樓二東西門有重樓高四丈周圍六百四十丈

應州城

唐天寶初節度使王忠嗣創建李克用父子世居之
至乾符間克用父爲大同節度使因古城廢塌移築
于天王村距舊城八里餘明洪武八年知州陳立
誠以舊城西北三面多曠地遂就東南城墻改築今
城周圍一千三百三十五丈計五里八十五步高三
丈二尺重以甕圈池深一丈濶二丈原設門三座東
曰暢和西曰懷城南曰宣陽北爲樓城上曰拱極成

化六年本城千戶劉鑑改建玄武廟作鎮北方成化二十年知州薛敬之修葺如增月城創築東西南三關廂以衛鄉民來避警者嘉靖四十三年知州宋淮守備蕭以望重修增高三丈南門創修一樓濬壕及泉外築護壕墻守備剛續修月城增築敵臺隆慶五年知州吳守節奉文修築通高四丈四面皆石砌甃包重建四樓東曰龍山秀峙西曰鴈嶂雄屏南曰茹峰壁立北曰桑水帶環角樓四萬曆五年知州徐瀛沿壕植柳二十四年知州王有容奉文築關墻周圍二百六十丈高三丈三尺梁口漫項俱甃包

山陰縣

明永樂三年重建高二丈五尺正統二年修正德六年知縣王紘嘉靖十六年知縣王卽俱重修二十六年增高三丈三尺隆慶四年增高四丈六年巡按劉良弼奏請甃包知縣苗淳然董役周圍四里零二十步高如舊基濶三丈八尺項廣二丈壕深八尺廣二丈爲門三東曰永泰南曰宿峰西曰靖遠上建樓櫓外爲甕城外爲月城北城無門上建真武廟角樓四警舖八城下列垣爲蔽垣外三十餘步周圍築隄以防黃水河之漲萬曆三十五年復以甃塹項及女

墻水口馬道號完固矣說者猶謂墻頂當用甃三層參差其縫水始不能入今止一層猶未盡善云

渾源州城

唐時築其形如龜周圍四里二百二十步高一丈五尺壕深七尺東西二門明洪武元年修東半屬安東中屯衛中所西半屬安東中屯衛前所永樂二十年北邊入犯知州陳淵疏請復築增高二丈五尺添外壕一道嘉靖四十五年知州顏守賢議修甃請之當道延袤仍舊垣高三丈九尺濶二丈壕深三丈雉堞若干有重樓角樓舖舍

蔚州城

後周天象二年建 明洪武五年德慶侯廖允中開壕十年置衛指揮周房修築藉物力之盛規制宏麗堅固周圍七里十三步高三丈五尺堞高六尺共四丈一尺甃包壕深三丈五尺門三東曰安定西曰清遠南曰景山上各建樓東曰景陽西曰廣運南曰萬山北無名角樓四敵臺二十四外各建月城爲橋

廣靈縣城

明洪武十六年知縣葉時茂因舊城修築夫順初巡撫馬昂以城卑薄令蔚州知州史魁增築高廣倍舊

敵臺十二每臺窩舖一間門二南曰景陽北曰永安
外各置懸橋弘治二年知縣程觀再築十一年知縣
孟繼先置各門層樓嘉靖二十九年知縣孫武臣四
十一年知縣馬應明相繼重築南關隆慶二年知縣
馬承志悉撤舖舍角樓四舖樓八甕城增樓三座萬
曆二年兵部侍郎吳兌因大閱行縣登城以邊邑土
垣非保障長策疏請發內帑修包知縣喬安董役石
基甕楚凡門及甕城二敵樓四悉堅麗高四丈七尺
廣四丈池深三丈廣如之周圍二里一百八十步知
縣鄭簡重修北樓及東關牆增築二敵臺

靈丘縣

唐開元年築周圍三里二百三十步高二丈壕深一
丈明天順二年徙城南三十二步重築周圍五里高
四丈壕深一丈五尺門二正德三年知縣楊文奎創
建東西街通商賈東門曰迎恩西門曰鎮櫓俱有樓
閣嘉靖二十年因邊外八警知縣劉永明重修高厚
倍加隆慶元年重修高二丈八尺女牆五尺萬曆二
十四年知縣于尚綱重修甕包高三丈五尺女牆七
尺

廣昌縣城

明洪武十三年千戶李貞修周圍三里一十八步高三丈五尺角樓四腰舖十間東西南北三門參將王志申新增鎮邊樓三間掌印千戶孫安建玉皇閣東角樓知縣陳汝場建魁星樓於南門南關土城高三丈濶二丈開東北二小門嘉靖三十年知縣張九功於各門上建樓五敵臺一十五舖房一十五間嘉靖三十七年知縣陳大夏增修關城高厚丈餘

天城衛城

明洪武三十一年因舊城築周圍八里二十四步高三丈五尺壕深二丈門四東曰恭定西曰武寧南曰迎宣北曰鎮遠各上建樓外各建月城窩舖二十五

大同左衛城

雲川附

明洪武二十五年築初設鎮朔衛其後衛革永樂七年設今衛城始完築周圍十里一百二十步高三丈五尺壕深二丈門三無東門外各建月城窩舖五十自東北及南半面俱屬左衛西及南半而俱屬雲川衛

大同右衛城

玉林附

明洪武二十五年築設定邊衛後衛革永樂七年設今衛完築周圍九里十三步高三丈五尺壕深三丈

門四東曰閱武西曰懷來南曰永寧北曰鎮遠上各
建樓外各爲月城窩舖五十東半屬右衛西半屬玉
林衛

威遠衛城

正統三年築周圍四里五步高三丈五尺壕深一丈
八尺四面皆爲月城上建樓舖三十二

平櫓衛城

明成化十七年郭巡撫壘土爲之周圍六里三分高
三丈女牆六尺濶四丈門三東曰東作南曰南訛西
曰西成上各建樓外各爲月城角樓四腰舖十五壕

深一丈濶二丈弘治十一年守備關祥指揮燕英節
因傾圮用甃石包砌東北二面隆慶六年至萬曆二
年叅將袁世傑趙崇壁相繼通用甃石包砌樓櫓一
新八年東南角樓爲文昌祠二十七年叅將賈邦直
新築南關土牆周圍二百五十丈高二丈三十四年
叅將郭增輝以山水滄沒民居用石砌水壕南北長
二百五十丈深一丈濶二丈堅固可以自此城中居
民不被水害

井坪城

明成化二十二年總督侍郎余子俊築周圍六百六

十六丈壕二丈四尺壕濶四丈南北二門上各建樓
論曰式廓示險雉堞表勝况在來相匹休之初其
規模又宏且遠矣郡城首嚴列塞巘觀瞻而雄拱
向洵壯哉其城乎其至州邑十一以逮各衛垣無
不言言齧齧所謂星羅繡錯者非耶後之守土臣
誠俯仰繹思其以固鎖鑰于天府永言勿替矣

建置誌

公署 坊表

大壯之貞斯千之式迺立有伉翼翼秩秩夙夜在
公以安以輯雀鼠攸除棟隆迺吉誌公署

雲中郡

府治 在鎮城正西洪武九年同知陳則勅建中為
牧愛堂堂之內左關門為銀庫右關門為贓罰庫堂
之外左為經歷司右為照磨所堂墀東列吏戶禮承
發科襍貨庫在焉西列兵刑工勘合科市貨庫在焉
中關儀門為三而儀仗駕閣兩庫各附于角門之外
左右皆南向堂後正北為思補堂招房在其左庫卷
房在其右各有便門以扇出入其稍進而北為知府
正宅前為隱玉堂中為川堂後為寢室每層各五楹
各翼以小房各六寢室右有隙地建小廟祀漢壽亭

侯前有軒三楹稍便植花木扁曰小隱則郡守汪丞
爵題也又前甃高臺構小亭其上與小隱軒相峙
退憇焉其左亦有隙地萬曆丁未郡守高第建書室
三楹配以廂房另築周垣垣南爲慎獨軒又南爲杏
花亭其自東便門出爲清軍廳宅又南爲理刑廳宅
榜于儀門之左曰兵刑分署丹前爲司獄宅爲土地
祠自西便門出爲督糧廳宅南爲經歷宅照磨知事
宅榜于儀門之右曰糧儲分署丹前爲吏曹公廨此
皆在府門之內者也若銀億庫則建于大門之左寅
賓館則建于牌坊門之右府前正坊榜曰雲中郡左

右各二坊曰師帥曰承宜棟宇嶙峋規模宏麗稱雄
鎮云

巡撫都御史臺

在府治東永樂六年建天順間罷復
置順治三年以督兼六年移駐陽和

巡按察院

在舊代府東宣德元年建專巡兩鎮

糧儲戶部

在府治東天順五年建
順治八年議陽和駐

分巡道

在府治東洪
武九年建

總兵府

在府治東北
永樂七年建

行都司

在代府東
洪武年建

遊擊府三

大同前衛

在府治東

大同後衛

在府治東
洪武年建

神機庫

在府治東

陰陽學

在太平樓北

以上衙宇有不能備載者頽弊甚而官多議裁

慨自天崇之末官比郵傳治之補葺當事者動謂詘難舉羸

國朝馭宇百廢將興無端罹姜瓖之變至今日又復有不堪寓目者第披帖而識成都之壯按圖而知未央之雄備列于誌非止寄錄將拭目以觀存舉

大同縣治 在鎮城東南隅洪武九年縣丞張友仁建正統八年知縣張純增修前堂三間庫房二間西邪廳過堂三間堂左縣丞宅右主簿宅正堂東為城隍廟又東為預備倉堂西為公廨前為典史宅又前為縣監萬曆乙亥馬思恭建寅賓館甲午關揚于大門

外建新倉一座又旌善申明二亭係魏寶增

陽和治 首附

總督軍門府

在城西南宏麗雄偉稱壯觀焉

巡按察院

左右樹坊在大閣正東街

陽和道

在大閣正西街

東路府

在城西南順治七年改駐餉司

軍門大廳

在城西南順治八年副總兵范邦初建

陽和衛

順治七年副總兵彭有德改協鎮府

高山衛

順治七年郡守胡文燁改府治

懷仁縣治

在城西北隅洪武十三年知縣許彥餘

建田徹重修增建大門三間迎賓館土地祠男女

獄正堂三間官庫二間幕廳三間儀仗庫三間六

房東西各五間住宅後廳三間書房三間有廚房
耳房茶房中廳三間寢室三間各有東西廂房

典史宅在正堂右共房一十二間

神機庫在東門北

察院在縣治東萬曆三十八年按燬

守備府在縣治北

懷仁後所

渾源州治 在城忠勇街北洪武七年判官張溥建

正堂五間後堂三間儀門大房各三間六房吏舍

有承發司架閣庫有儀仗庫三間慕廳三間儀門

外為男女獄大門外為申明旌善亭知州宅在正

堂後萬曆三十年知州盧點見治後卑曠築望雲

樓以為屏障庚戌知州趙之韓增築月臺建宅門

一座

吏目宅在正堂傍

布政司在州治西北

按察司在州治東

守備府在州治東南

醫學在州治東洪武十七年建

陰陽學在州治西洪武十七年建

僧正司在州治東北洪武二十四年建

道正司在州城東門外洪武二十四年建

安東中所

安東前所

應州治 在城東北隅洪武八年知州陳立誠建弘

治元年知州薛敬之初建大門吏舍嘉靖間知州

宋蒞朔箭亭三間于宅之東北萬曆十一年知州
 劉審問改寅賓館于治東正堂五間後堂三間東
 西廂房各三間有架閣庫儀仗庫承發司器皿房
 儀門三間土地祠三間知州宅在正堂東正房五
 間東西房各三間前廳三間東西房各二間耳房
 東西房各三間六房公廨二十四間又於大門內
 修厦二十間以便收糧 吏目宅共房一十四間

察院 在州東街萬曆二十年知州趙蘭以安東衛改建

布政司 在州治東正統九年知州黃彪建

按察司 在州東洪武九年知州陳立誠建

守備府 在州治東南 安東衛 在州治東南洪熙元年建

府館 在州治西 公館 在州治西社學改建

陰陽學 在城外 惠民局 在州治東南

僧正司 在佛宮寺東南 道正司 在冲虛觀東

山陰縣治 在城偏東洪武八年知縣蔣文煥建隆

慶六年知縣苗勃然萬曆十一年知縣王居仁俱

重修 典史宅在正堂右

布政司 在縣治東 按察司 在縣治東

守備府 在縣治東 千戶所 在縣治東

陰陽學 在縣治東永寧坊 僧會司 在臥佛寺內

醫學

在縣治西知縣王統建

神機庫

在東城下馬神廟後堂印鄭改修

朔州治

在城西北隅洪武八年同知梅和建萬曆

十三年知州張守訓重修大堂三間吏廨十二間

二十一年知州申其學增修正門儀門正廳三間

莫廳三間寢室及鄯陽古郡坊申明旌善亭三十

七年許爾忠改設預備常平二倉在二門外建陰

陽二亭在大門外吏目宅在大內

分守道

在州治西

按察司

在州治南

察院

在州西萬曆三十六年知州許爾忠以常平倉改建

南路公署

朔州衛

在州治後即舊守府

守備府

在州治東即舊參將府

巡檢司

在神池口

陰陽學

在旌善亭東萬曆三十年六年知州許爾忠建

稅課局

舊在東門外正統間兵大燬裁革稅課今屬本州

僧正司

在崇福寺

道正司

在城隍廟

養濟院

在城東南隅嘉靖十年知州畢鸞修

馬邑縣治

在城中大街迤西洪武八年知縣吳國

貢建嘉靖間知縣王嘉趙德佑相繼重修萬曆九

年二十一年知縣趙承芳王日新增修大門一座

賓館三間儀門一座正堂三間抱厦三間退堂五

間六房增添一十六間賓館三間知縣宅在退

堂後 典史宅在公廨東

布政司 在縣治東萬曆二十年知縣趙承芳重修

按察司 在察院前街南萬曆三十八年知縣宋子質建

察院 在縣治東洪武八年縣丞宗秉彛建萬曆二年被火重建九年知縣趙承芳修

守備府 在縣治東 千戶所 在縣治東北宣德九年建

接官廳 在縣西河外署印教諭胡璉建 養濟院 在縣治西北

蔚州治 在城西南隅洪武四年同知張昇建天順

二年知州史魁弘治七年姜部嘉靖六年郁深各

增修大門三間儀門三間正廳五間後廳五間幕

廳三間架閣庫二間庫一座吏舍東西十二間隆

慶二年知州蕭以成增東西里甲房各三間於大

門內萬曆三十六年知州劉生和增建東西公廨

四十九間知州宅在後廳西北 吏目宅正廳東

布政司 在治西舊為監王震宅 按察司 在州治北

府館 在州治東 蔚州衛 在州治西洪武建永樂七年改萬全

陰陽學 在城鼓樓傍洪武十年典術伊文智建

醫學 在城南門承恩街洪武十八年典科張大亨建

九宮口巡檢司 舊在九宮山弘治七年知州姜部奏改移在城南黑石嶺

美峪口巡檢司 舊在美峪關永樂十六年改移符家庄後又改長寧村

神通溝巡檢司 萬曆三十八年巡按御史吳亮題設知州劉生和建

石門峪巡檢司 在石門峪山內 僧正司 在城西北隅靈巖寺

道正司 在城南關 養濟院 舊在城南關今移入城西南隅

廣靈縣治 在城東街洪武七年縣丞高輝建後縣

丞王時中重修正統成化間知縣劉銓王用相繼

重修大門儀門各一座正廳三間思補堂三間幕

廳三間儀仗庫二間六房東西各三間萬曆十二

年新建公廨七間 典史宅正廳西

布政司 在縣治北 按察司 在縣治西南

操守公署 陰陽學 在縣治西

醫學 在陰陽學西俱洪武十七年知縣葉時茂建

僧會司 在佛壽寺 養濟院 在縣西街預備倉後

廣昌縣治 在城南門內洪武三年主簿石玉建嘉

靖元年知縣張文祥重修大門三間儀門三間正

廳三間贊政廳三間左右庫二間儀仗庫二間六

房左右共一十二間土地祠迎賓館在儀門外獄

在儀門西知縣宅在堂西北萬曆三十六年大雨

傾塌知縣王早改於堂北 典史宅在儀門內左

布政司 在縣治北 按察司 在縣治東

千戶所 在縣治東北洪武十三年建永樂六年改隸萬全

靈丘縣治 在城內西北登雲街洪武十三年知縣

王濟建大門三間儀門三間大門外兩傍樵樓三間正廳五間後廳三間幕廳三間儀仗庫三間左右吏房共一十二間公廨二十間宅一所成化十三年知縣韓英正德十四年楊文奎俱增修立石典史宅在後廳傍

布政司

在縣治南

按察司

在縣治東

養濟院

在縣治西

大同兵備道 在大同左衛城

西路公署 左大同左衛城

北路公署 左弘賜堡

東路參將府 在天城城

新平參將府 在本城

右協副將府 在右衛城

北東路參將府 在得勝堡

西路參將府 在平櫓城

井坪參將府 在本城

北西路參將府 在助馬堡

威遠路參將府 在本城

雲中郡

雲中郡坊 在府門前

師帥坊

承宣坊 在府門左右

都御史臺坊在撫院門前

撫鎮華夷坊

激揚文武坊在撫院東西

秉憲坊

詰戎坊在分巡道東西

御史臺坊在察院門前

都統行司坊在都司門前

將府坊在和陽街

匡扶社稷坊

鞏固邊疆坊在關聖廟東西

雲路坊在府學前

聖域賢關坊在府學東西街

佑文廣化坊獅子街帝君廟

穹蒼真境坊玉皇閣前

翊贊元化坊

闡揚文明坊帝君廟左右

和陽街坊在東

清遠街坊在西

永泰街坊在南

武定街坊在北

勸忠祠坊和陽街

烈婦坊烈婦王氏孝子溫鉞

大中丞坊在察院門街西進士蔣應魁

盡忠言事坊御史李植

世督三雲總兵焦澤子總兵焦承勳

昭代名臣坊東閣大學士王家屏

桂林繼美坊弘治乙卯李瑄

太僕坊少卿李植

總憲兩浙坊浙江按察使李承式

司馬崇袞坊兵部郎中李滿

祖孫父子兄弟元戎坊總兵麻貴麻錦麻承勳麻承恩

桂籍傳芳坊嘉靖乙酉張鶴

總鎮昌雲坊總兵李熙

裁誥馳贈黃甲題名坊

誥贈即中單環嘉靖乙丑進士覃應元

解元坊正統甲子郭紀天順壬午劉道成化乙酉黃芸弘治壬午張憲辛酉李翰臣萬曆乙

曹王濬初與子馬
呈德乙卯陸敏學
碧海登龍坊 嘉靖辛卯
任中立

父子元戎坊 總兵孫國
鍾英坊 宣德巳
丑段徵巳

冠倫坊 弘治乙
巳丑徐傑一戊戌牛通一弘治壬戌劉安一嘉
靖丙辰王用中李承式柳杰一丙戌蔣應奎

父子登科坊 嘉靖甲午任中
進士坊六 孫祥一成化

橋梓聯芳坊 劉安
奉天勅命坊 溫自

五代一品坊 總兵孫國
經魁坊 萬曆辛丑進

世科坊 萬曆丁未進士王
賓賢坊 成化丙

經元坊二 成化丙午張寧
登科坊 成化丁

世科坊二 弘治乙酉齊魁
武胤文光坊 弘治戊

舉人坊四 一成化辛丑牛通一弘治辛酉何洪一
弘治甲子楊繼芸一萬曆丙子張寶張

登第坊 正統辛
鄉貢進士坊 永樂庚

繼武坊 少卿
大鴻臚坊 少卿

步天梯坊 成化甲
雲程坊 成化丁

譽髦坊 成化庚
登雲坊 成化庚

鳴鳳坊 成化癸卯
騰蛟坊 成化癸

解元喜士坊 正德戊辰
秀繡坊 御史李

麟經坊 弘治辛
李行坊 生員

興雲橋坊 城外橋
大中丞里坊 順天巡撫

溫景葵

卓越坊弘治壬子温自修

烏臺登俊坊福建道御史温景葵

鴈塔遶英坊嘉靖戊子温景葵

旌表忠義坊在東關何廷魁

孝義坊樂府宗室江村

殘破之後多不可考而公署科甲詳存之

懷仁縣

進士坊弘治乙丑劉宓天順甲申劉道光裕坊正德丁卯李克中

二代進士四世登科坊天順壬午解元甲申進士劉道正統乙未劉晟弘治

乙丑劉宓永樂戊午起鳳坊嘉靖辛卯魏經綸

登科坊嘉靖甲子王汝廉紫誥褒封隆慶辛未王汝廉

轅門鳴鳳坊成化丙午任和貞節坊一劉貞妻韓氏李鑑妻田氏

朔州

承流宣化坊州治門前籌邊恤民坊守道門前

分餉雲西坊南路府門前冀北干城坊守備門前

萬世宗師坊文廟前

德配天地坊 道貫古今坊文廟東西

主典幽冥坊 監察善惡坊城隍廟門東西

威震華夷坊關王廟門前玄帝行宮坊真武廟門前

孝行坊雷順貞烈坊李氏

貞節坊董氏高氏劉氏王氏封氏李氏董氏錢氏趙氏張氏

進士坊州治大門東盧問之鄭本公下紳警緹

文魁坊 州治大門西 劉雲

冀北文魁坊 在東街 鄭王康

黃堂聽政坊 在東街 楊捷

經魁坊 在東街 苗汝霖

登俊坊 在東街 劉昇

光裕坊 東街 苗

世科坊二 一在南街 盧問之 盧

天語褒崇坊 在南街 維新

賓賢坊 在南街 韓震

文魁坊 在東街 王溥

馬邑縣

肅察貞度 在察院東 亞魁坊 戊子 張

進士坊三 一嘉靖甲辰 隆慶辛未 焦昇

雲程坊 丁酉 陳憲

經元坊 文武 貞節坊 張氏

應州

萬代宗師坊 文廟前 大成宮坊 文廟東西

保民坊 州治前 肅紀坊 按察司西

龍首書院坊 州治西南 遼翰林

進士坊五 一洪武庚辰席果一宣德癸丑石瑁一
洪治己丑王民質一嘉靖壬辰董官一

萬曆甲戌田蕙

翰林坊 編修侯復

桂史坊 王魏

雙鳳齊鳴坊 洪武二十三年王禮王皞

青瑣諫臣坊 戶科給事
中寇謙
多繡坊陸厚

天朝耳目坊 京畿道
郭順
黃門貶贈坊 禮科給事
石普金

大宗伯坊 禮部尚書石瑁
擢桂坊 俞寶

御史褒封坊 王壽
大僕坊 寺丞杜榮

亞魁坊二 鄭傑趙相
鯤化天池坊 王彪王道

父子登科坊 霍翔霍慶
鳳翥雲表坊 曹博

兄弟同科坊 田天澤田天齊
雲中出色坊 舉人王昶

世科坊 合天合澄
世恩坊 贈監丞田盛通政使田天澤田維魯

大納言坊 通政使田蕙
孝行坊 廩生王經

山陰縣

富安坊 城東北大街
永寧坊 城西南大街

安居坊 城北十五里
澄源坊 按察司前

宣化坊 縣治西
登科坊

折桂坊 趙英
鸚薦坊 王鼎

步蟾坊 范敬
奪錦坊 吳靖

步月坊 周錠
鮎化坊 張羽

登霄坊杜盛

崇俊坊劉澄

拔萃坊米

登雲坊楊翔

文魁坊吳文

擢秀坊溫澤

撥英坊張

世科坊周文

進士坊溫良方全成

飛騰坊段

都憲坊都御史

貽謀繩武坊郭登高

競爽齊芳郭登庸

繡衣坊郭登庸

提學坊郭登庸

綸褒坊郭汝

世科經元坊成文子

翰林坊編修王

玉堂貽贈坊王憲武

宮端學士坊詹事王

閣老坊東閣大學士王家屏

振肅坊察院東西

叢桂坊郭兵憲

貞節坊朱禎妻

柱史坊郭民

渾源州

宜化坊州治

進士坊黃直

甲戌進士坊于上

攀龍坊英白

丁丑進士坊張子

昂霄坊孫迪

毓秀坊葛

國瑞坊李

登雲坊楊

折桂坊薄

凌雲坊楊

虎榜坊黃克

躍龍坊張翔

明經坊孔榮

擢秀坊黎昕

飛熊坊

大方伯坊孫逢吉

癸酉舉人坊田茂

鄉進士坊王延齡

世美坊李庠

青雲坊張渾

世科坊李序

晝錦坊郭容

經魁坊二黎廷臣 翟廷楠

步雲坊盧盛

經元坊郭璽

雲程坊楊文雍

繼芳坊郭璋

鵬程坊孫明

庚午舉人坊吳東周

奪錦坊郭衛民

貞節坊張謙妻 孫氏

忠義坊寺丞張汝舟

孝行坊二主簿石島 丞王立誠

蔚州

刪述六經坊

垂憲萬世坊文廟東西

丞宜坊州治前

慈祥愷悌坊州治東西

澄清坊察院前

解元坊王憲張憲

經魁坊高綸

綉衣坊宋經

進士坊六宋弼高綸張憲 袁鳳宋經嚴謹

大理坊寺丞宋經

青瑣坊給事高綸

廷評坊評事袁鳳

文英坊劉宗浩

武秀坊袁鳳

冲霄坊李從正

頡武坊

舉人鄒理

秋雲獨步坊

甄仲

登雲坊

李棋

五馬遷藩坊

參政李從正

青年黃甲坊

尹耕

聖音坊

節婦王氏張氏鄒銘

父子繡衣坊

御史郝銘

三命元戎坊

總兵馬芳

薊門總鎮坊

總兵張邦奇

四世科甲坊

御史宋經

傳柱坊

宋獻

攀桂坊

高邁

鯤化天池坊

張宜

父子登科坊

尹玉尹耕

恩榮坊

節婦柳氏

宮保尚書坊

郝杰

大司馬坊

兵部侍郎郝杰

天朝耳目坊

御史喬廷棟

一品元戎坊

張邦奇

尚書里坊

郝奇

廣靈縣

聖域賢關坊

科第傳流坊

在城南門右

御史坊

齊詔

勅贈忠義坊

寺丞李景

承流宣化坊

牧愛教化坊

在十字街東西南北

澄清坊

舊察院前

廣昌縣

四牌坊

在縣十字街東曰飭武西曰崇武南曰明刑北曰敷政

少叅坊

陝西叅議高鑑

滄海騰蛟坊

舉人高憲

孝行坊

謝定住

貞節坊

千戶仲儒妻劉氏

論曰跽矢攸躋式昭儼臨之度所以表勤政尊體
統也稽官署于今日變遷而缺畧者多時訓而頽
圯者廣所宜講正位居體之伊訖矣至于坊表雖
微百年起觀感之懷數字傳不朽之譜用以風勵
來茲者實其不容蔑沒耳目覩記可得不並述乎

建置誌

學校

建國明倫其來有舊鬱蒸雲士玉瓚新標橋門戾
止甲第先後芘芘棧樸斯文啓佑誌學校

雲中郡學

府學

在城東南隅舊學在府治之東即遼金

西京國子監元大同縣學明洪武八年改為府學

二十九年以府學改為代王府而以雲中驛改

為府學即今學也宣德間巡撫侍郎沈固增建肅

敬亭於戟門西正統間巡撫都御史羅亨信繼修

知府霍瑄增建宗文閣於明倫堂南嘉靖八年詔

建敬一亭內立御製敬一箴及註釋宋儒五箴石

刻十年詔建啓聖祠十二年兵變燒民居學盡

燬巡撫樊繼祖知府王允修重新隆慶間知府程

鳴伊在學外東西街建文昌魁星樓二座學廟後
建春風時雨二樓萬曆二十五年知府黃嘉善復
建魁星樓在學內 名宦鄉賢列戟門左右

大同縣學 舊與府學共縣前府後嘉靖十二年兵
焚後知府王允易左府右縣越四十年乏科萬曆
三年巡道馮子履構西北地別建嗣後知縣解經
邦建太乙閣三十四年孫體元乃鑿泮建奎樓

懷仁縣儒學 在城內西北隅舊在城東門外洪武
十三年知縣許彥餘徙今地正統間知縣趙瑀成
化間知縣鄭經繼修隆慶間知縣韓應元楊守介
經歷署縣事陶幼學相繼增建

應州儒學 在州治之西南舊在城西北隅遼清寧
間建明洪武八年知州陳立誠徙今地天順間叅
政楊濬知州張綸王彪增葺弘治三年知州薛敬
之重建明倫堂并東西齋舍移教官宅于明倫堂
東萬曆四年知州徐濂重修

山陰縣儒學 在縣治之西宋時建明洪武八年知
縣蔣文煥正統九年知縣慕寧相繼修嘉靖二年
巡按御史許宗魯命知縣余寅增葺萬曆十年知
縣王君仁復修十七年邑人王文端家屏捐金建

號舍二十四楹

朔州儒學 在州治之西北洪武十年知州邾約建
正統十年兵火燬廢成化十三年知州呂文重修
嘉靖十四年知州畢鸞建敬一亭於啓聖祠之南
萬曆二十五年知州屈煇建奎星樓於儒學門之
左三十六年知州許爾忠重修同通判郭如崧俱
各捐資爲倡規制始敞豁壯麗焉

馬邑縣儒學 在縣治之西元至元間建明洪武二
十七年知縣李德重建正統二年知縣張俊修成
化八年知縣安和增葺萬曆十年知縣趙承芳二
十二年知縣王口新相繼恢宏

蔚州儒學 在州治之北元至元間建明洪武十二
年蔚州衛指揮周房重建正統五年知州耿信天
順三年知州史魁修弘治八年知州姜鄙增修
廣靈縣儒學 在縣治之西北舊在縣治正西洪武
初縣丞趙自立創建十六年知縣曾錯弘治五年
知縣程觀復加修葺

渾源州儒學 在州治西元皇慶初建明洪武永樂
間知州鄭允先李信修正統天順間判官張福成
化六年知州關宗累修弘治四年知州董錫建大

成門并遷兩齋立神厨神庫嘉靖四十二年分巡
董邦政粧飭補葺

廣昌縣儒學 在縣治之東元時建明洪武十六年
縣丞宋林重建天順四年修嘉靖二十年知縣張
九功大加修葺

靈丘縣儒學 在縣治之東金禎祐中建元至正間
修明永樂九年知縣李安重建天順五年知縣閔
芳增建齋舍

大同左衛儒學 在衛治之東成化十五年巡撫都
御史王越建

大同右衛儒學 在衛治之東與左衛學同建萬曆
二十三年改建

天城衛儒學 在衛治之東與陽和學同建

威遠衛儒學 在衛治之西嘉靖五年建萬曆二十
九年改建衛東

平櫓衛儒學 在衛治之東北嘉靖五年建三十七
年徙建衛治東

雲中書院 在舊府治之東嘉靖四十年建

翠屏書院 在渾源州之南七十里翠屏山金狀元
劉撝右丞蘇保衡講學之處

石溪書院 在州治北七里正德六年巡撫都御史
石玠置集諸士子講學於此

暖泉書院 在蔚州城西三十里暖泉村元工部尚
書王敏建今惟存遺址

論曰興學勸士國家第一務通古今一致經鼎革
而不渝者也全雲各學或昉遼元或起明代初建
重修各有碑記年來兵燹疊至多致學宮頽敝甃
無行徑凡有重跡甚至窈木位以供炊殊可於邑
况夫書院講學又其茫然空谷矣

清興重學崇文化機漸洽近者守土興風教之思于府
在文武廟捐俸補葺豈不煥然觀維新乎

建置誌

倉儲草場

天下大命允惟積貯有粟無索是名露處糧謹蓋
藏東防爛腐時乃藹焚陳陳萬圃誌倉場

陽和首附係佳兵重地

廣積倉 在大東街石基甃壁每版上有亮樓絲窻
下有石甃風道中庭門樓極其雄偉萬曆壬寅間
東路同知范錫建 草場在城東北角

大同府縣

大有倉 府治東南 東倉南倉 草場在北關
預備倉 縣大門內 常平倉 縣治東
懷仁縣

預備倉 常平倉 俱在正堂西北

廣豐倉 在縣治東北

渾源州

廣儲倉 在州治東 預備倉 在州治東

草場 在州治北

應州

廣盈倉 在州治西北 預備倉 在州治東

草場二 一在州治東北城下 一在西南城下

山陰縣倉 在吏目亭東 預備倉 在縣治南

朔州

永豐倉 在州治西北 預備倉 在州治西北

草場 在州治西南

馬邑縣倉 在縣治東北 預備倉 在儀門外東

草場 在縣治西北

蔚州倉 在城靈巖寺東 預備倉 在州二門內

常平倉 每處九間 東鄉楊庄安定倉

南鄉馮家嶺親仁倉 西鄉暖泉村歸化倉

北鄉深澗村孝義倉 草場 在州治北

廣靈縣

預備倉 在縣治西 軍儲倉 在縣治東南

草場 在縣治西南

靈丘縣

預備倉 在縣內西

廣昌縣

官倉 在縣治北門內 預備倉 在縣治北

朔州衛倉 在衛治後

天城城

廣聚倉 在城東北 草場 在城東南

聚落堡倉 在城西北 草場 在城東北

左衛城

廣充倉 在城東北

雲川衛 草場 在衛東北

右衛 廣足倉 在衛西南

玉林衛 草場 在衛西北

威遠衛 廣備倉 在衛東南 草場 在城西南

高山堡倉 在城西南 草場 在城西南

平櫓衛倉 在衛東北 草場 在衛西南

井坪堡倉 在城東北 草場 在城東南

弘賜堡倉 在堡西北

論曰倉場者廣儲蓄備旱澇為軍民寄命者也出
陳易新時厯朽蠹之虞集梁披毛用免風雨之患
至于預備常平尤為喫緊而草所轉輸百倍艱難
柰何視為緩圖坐令圯敗不支乎雖然高其稟矣
廣其壙矣而不講于集商賈議召買安所獲巧婦
之炊耶吾恐倉場亦虛器云爾

建置誌

驛傳

道之云遠存乎接應羽檄飛檄其郵傳命枉成梁
成其民不病凡百有位勵茲庶政誌驛傳舖橋附

陽和驛 在城內大街十字道西 共五十匹頭

馬三匹 騾三十一頭 驢十六頭

大同縣

雲中驛 在舊府城西北馬騾二百匹頭

甕城口驛 在城東南七十里西浮都馬騾四十

七匹頭內本縣二十一匹頭應州協濟一十四

匹頭懷仁縣協濟一十匹頭廣靈縣協濟二匹

頭

懷仁縣

西安驛 在城外東關萬曆二年知縣王守介改設縣城內馬騾六十匹頭

渾源州

上盤驛馬騾八十五匹頭內本州七十匹頭應州協濟一十五匹頭

王家庄驛馬騾四十六匹頭

應州

安銀子驛 舊在州城西南三十里今安銀子村洪武年知州陳立誠建正統十四年因亂徙城

內騾馬雜畜于學畔成化二十三年知州薛敬之以廣盈倉東草場改為驛驛丞任內使客稱便

遞運所 舊與驛一區同建正統間移置城內舊稅課局成化間薛敬之改建於西門外舊城內路北

山陰縣

山陰驛 在縣治西城市正中景泰五年建弘治二年巡撫許進以使客往來不便徙置西南隅年久頽圯萬曆二十二年署印經歷何文冕改

置縣治東鍾樓後馬騾一百匹頭

朔州

城東驛 在東門外洪武十年知州邾約初建控
州治西永樂十三年知州張復改置廳堂房厨
俱備馬騾三十一匹頭驛丞宅在廳西

馬邑縣

廣武驛 在西門外大門上為樓房廳堂厨舍俱
備馬騾四十匹頭

蔚州

馬驛在城內洪武十五年知州王文德建馬騾六
十匹頭

廣靈縣 無驛走差馬騾三十匹頭

靈丘縣

太白驛 馬騾五十二匹頭

廣昌縣

香山驛 馬騾五十匹頭內本縣二十七匹頭蔚
州協濟一十七匹頭廣靈縣協濟六匹頭

倒馬關驛 馬驛一十五匹頭內本縣五匹頭蔚
州協濟六匹頭廣靈縣四匹頭

舖舍

大同縣

東南路五舖

寺兒村舖

南留庄舖

羅家庄舖

南港子舖

西浮頭舖十五里接渾源州壩埃舖

正南路五舖

十里河舖

肥村子舖

毛家皂舖

灰河舖十五里接應州三門城舖以上每舖俱舖

兵二名

西安

懷仁縣

總舖 本城內

陳家庄舖 在縣東二十里

新橋舖 在縣東南四十里

應州

急遞總 在州治前洪武十年知州陳立誠建有

廳舍

石家庄舖 城東一十五里

胡疇舖 城東二十五里

羅家庄舖 城東四十里

城西舖 去城三十里

康興庄舖 城西一十五里

盧家塞舖 城西二十五里

楊家庄舖 城北一十五里

三門城舖 城北二十五里

朔州

總舖 在州治東

十里舖 二十里舖 俱在城東屬州

蔡家庄舖 窰子頭舖 俱在城北屬衛

馬邑縣

在城舖 西十里舖

三家店舖 羅家疇舖

新興舖 滋潤舖

卞子疇舖 察罕舖

楊十二庄舖 北口舖

嶺底舖

蔚州

總舖 在南門外街東 小窰舖

辛孟庄舖

郭家庄舖 上三舖俱正西去各十里通廣靈縣

石門舖

馬舖口舖

松澗口舖

上三舖俱西南相去各二十里通靈

丘縣

新興舖

北口舖

明福舖

太寧舖

上四舖俱正南相去各二十里通廣昌

縣

廣靈縣

總舖

在縣南關

八角舖

縣東十里

石門舖

縣東二十里

上二舖東達蔚州

平水城舖

縣西十里

百家舖

縣西二十里

沙泉舖

縣西三十里

牛口峪舖縣西四十里

望狐舖

縣西五十里

榆澗舖

縣西六十里

上六舖西達渾源州

廣昌縣

總舖

在南關西門內

豐樂村舖縣東十五里

浮圖峪舖

縣東二十五里

全川舖

縣東四十里

王安鎮舖縣東五十里

西庄舖

縣南二十五里

祭刀嶺舖

縣南四十里

上屯舖

縣西十里

艾河舖

縣西二十五里

紅泉舖 縣西三十里 金家井舖 縣北十五里

張家舖 縣北二十五里

團業村舖 縣北四十里

倪家舖 縣北五十里

靈丘縣

東路四舖

故城

聚羊

招栢

白羊

西路四舖

小作

吉子河

沙溝

蔡家峪

北路五舖

大澗

三山

石家田

塔地

伊家店

建置誌

津梁

興雲橋

府城東門外跨渾河上舊云御河或呼

為御橋歷代興廢不一元泰定元年河東連帥圖

綿重建題曰興雲之橋有虞集撰記成化十三年

巡撫李公勉增修劉翊撰記萬曆己卯庚辰山水

暴漲橋為之頽總兵郭琥拓故基而更創之下環

洞十九上可容方軌高三丈餘東西長百餘丈南北濶十餘丈翼以石欄規制壯麗仍題曰興雲橋

樂安橋 舊府城東南六十里跨桑乾河

古定橋 舊府城東南七十里跨桑乾河洪武中縣

丞劉炳建

小龍門 舊府城東南百餘里大新村通蔚廣等

慶大路即桑乾河水勢洶湧春夏開凍涉者病焉

土人解銘解九思解文廣當河上流鑿石爲梁高

數丈嘉靖間巡撫侯鉞過其地題曰小龍門萬曆

間巡撫韓取善復題曰塞北龍門

西安橋 懷仁縣城東南三十里跨桑乾河

利涉橋 朔州東宋朱弁記

洪濟橋 馬邑縣西門外

石橋 馬邑縣東門外

曹娘子村橋 應州城西二十里募緣建

朱家庄橋 應州西北十里

沙城村橋 應州西北十五里

寇家塞橋 應州西八里

青虹橋 應州城十五里姜家庄韓元帥建

廣濟橋 應州東二十五里募緣建

安銀子橋 山陰縣城西北二十五里桑乾河上成

化六年知縣許宏建萬曆九年知縣王君仁復修

沙堆河橋 山陰縣西南十五里黃水河上成化年

建今廢

麻家疇橋 山陰縣北十五里桑乾河上

城西橋 縣西門黃水河上今改南門外

河陽堡橋 縣西北三十里桑乾河上萬曆二十五

年邑人大學士王文端建諸橋惟此獨為懸河冰

開合之時人不敢渡必由此橋

渾河橋 渾源城西北十里成化元年知州關宗建

太白橋 州北五里弘治三年知州董錫建

平水橋 廣靈縣城西七里下跨一澗遇大雨其水

輒平行人病之邑民建砌石橋

八角橋 縣東十里相傳八家環居共建後人誤呼

為八角橋

新橋 縣南關東門外知縣杜一奇建

涑源橋 廣昌縣城東一里左右水碾水磨樹木繚

繞頗足登眺嘉靖五年建有碑記三十八年指揮

縣獻策建甌樓以備敵

永安橋 縣南門內嘉靖十三年建

落水橋 縣南門外知縣劉登建有記

論曰差使文書之傳送行商過客之往來舖驛橋梁係

朝廷血脉刻不容阻滯者矣驛遞騷擾之苦自昔云然
賴循環木榜濫牌稍息而折乾引馬等錢非嚴禁
不能清也舖踏傳送文書俱係鵠面鶻結之子其
稽遲可嚴而苦跋殊可憫也若夫雲朔地勢高亢
水不恒有一或瀑發難以馮渡而興雲跨天塹之
雄桑乾漲秋濤之險橋梁利涉尤其所宜料理云
附胡知府文燁請革幫站詳 爲昭陽天二驛糧

銀月米頭畜草料一一按月更有幫站屯地以恤困苦

朝廷設立厚餉原足供用而驛奸私向百戶需索動告
幫站致令貧民逃竄百戶地土荒蕪糧稅無出本
府蒞任茲土此弊不除終屬民間大害未敢擅專
擬合申請合候 本道併

本部院詳示備行陽高天鎮速將二驛幫站夙弊
盡行革除以甦民累又嚴令站官驛卒經心餵養
毋得扣短草料以至損傷倒者責令賠補仍行出
示曉諭通知庶百姓免逃不致荒蕪拖欠矣以示

雲中郡志 卷三 四十三
體恤窮民至意順治七年十一月申蒙

總督佟 批所議誠善准行各衛并刊榜永為遵
守如有仍前需索必重加究處

建置誌

祀典

聿惟祀典有舉莫廢典所不及禮以義致餼享豐
潔祈禱禳珍福我群黎永崇裡祀志祀典

雲中郡

府文廟

府城隍廟

社稷壇 在代王府城內西南隅

風雲雷雨山川壇即在社稷壇東

郡厲壇 在府城外西北

三皇廟 在府東南 玉帝廟 府治東北

文昌廟二 一在東南隅 一在西北隅

武廟 在府治東北

北嶽行宮 府城南五里

真武廟 府城東與雲橋頭 一在北關

關王廟二 一在府治東 一在府治東南

龍王廟二 一東關外 一南關外

泰山廟 南關外 晏公廟南關內

李王廟 府治東北隅

土地廟 府治內

雷公廟 在城西十里雷公山

聖母廟 府治西南 三官廟東關內

岳武穆廟 在東甕城

馬王廟 在北關

勸忠祠 在府東 安輯祠 府治東

呂公祠 南關新建

史公祠 南門外祀先巡撫史道

陽和衛文廟 武廟 又報忠祠祀歷來總督有功

德于民者以上三廟自甲申以後披塌傾壞之極

文廟啓聖祠尊經閣土木俱零大費補葺武廟舊

治規模宏敞而破壞幾成廢址報忠祠凡三進庭

堂廂配門壁坊表俱圯毀不支陽和近屬府治而

傾礪至是殊非體統是豈尋常募修所能襄厥事

也順治八年 總督佟 諭派文武僚員文有劉

餉部國欽陳兵道弘業胡知府文燁陳通判禹謨

劉理刑宏譽武有范副總兵邴彭副總兵有德傅

都司長春右營劉將官承義各捐俸金不一分局

董成兵道陳督修報忠祠親勵匠作土木灰墁允稱壯麗知府胡督修文廟日夜經營心力俱殫又勅建尊經閣前東西書屋六楹以爲倉生肄業訓課之所都司傅督修武廟盡復舊治茨圍丹雘俱備此皆

國之正祀大典攸關一時棟隆濟美大有禪于體統大有光于地方者也因廟誌附記之

文廟舊在閣西成化十八年建萬曆三十一年總督楊時寧改建于東門武廟在西門報忠祠在道衙西其地卽舊學宮也

陽和廟治

首附書其大者

玉帝閣

南向居中

城隍廟

在大閣東街

玄帝廟

北城臺上

泰山廟

在東門

大關帝廟

在轅門西

勒馬廟

在南甕城

北嶽廟

在城北甄臺石磴與陽和臺高映

懷仁縣

文廟

見學校

社稷壇

城西

風雲雷雨山川壇

城西

城隍廟

城內西南

邑厲壇

城北

張總管祠

祀唐朔方節度使張仁愿以築受降

祀

朔州

文廟 見學校 魁星祠 學大門內東

社稷壇 城西 風雲雷雨山川壇 城南

城隍廟 州治西南 郡厲壇 城北

旗纛廟 衛後 文昌閣 州治東

玉皇廟 北街 關王廟 東街

勒馬關玉廟 西街 火神廟 在神機庫

海神廟 城內東南隅 八蜡廟 西關外

馬邑縣

文廟 見學校 社稷壇 西門迤北

風雲雷雨山川壇 城南 祭以城隍配

城隍廟 縣治西南 邑厲壇 城北

文昌祠 城東南角樓 魁星樓 在櫓臺上

馬神廟 東門外

鄂國公祠 縣西北一十里金龍池南祀唐尉遲

敬德今有司歲以二九月十七日致祭

三龍王廟 在神頭村

桑乾河神廟 縣西北十里洪濤山下金天會間

元封為王明改今稱有司以二月二日六月十

三日致祭

應州

文廟 見學校

社稷壇 舊在土城西北弘治二年知州薛敬之

改築於西門外迤南有門垣

風雲雷雨山川壇 南關

城隍廟 州治西南

郡厲壇 與社稷壇同改建于東門外

文昌祠 在古舊城帥府東北唐衛公李靖建相

傳晉王李克用母嘗禱於祠見壁裂金甲神人

躍出後遂生克用

忠肅祠 州治南金建祀道國公康弼

聖母祠 州治西霍家巷南相傳唐明皇母建

馬神祠 東門左 八蜡祠 東關

關王廟四 一在南門右 一在西關 一在州

治東北 一在東關外

北嶽廟 西門右 火神廟 州治西

梓潼廟 東關內

古龍王廟 南關唐置州時建

三靈廟 城東南大石村祀唐李克用宋楊無敵

業元韓元帥浩

神豐廟 城東龍首山上唐神醫李愈建歷代重修

泰山廟 城東南馬庄

山陰縣

文廟 見學校 社稷壇 城西北半里

風雲雷雨山川壇 城東南一里許

城隍廟 城中西北街 邑厲壇 城北半里許

馬王廟 東城下

武安王廟 南門外向東

聖母廟 東門外向北

龍王廟三 一在南門外街西 一在城北黃葉

崗西南最高峯 一在城西南覆宿峯下

北嶽行祠 在化慈岩絕頂石岩下

風神廟 城南十五里忠州故城西北隅詳見古

蹟志

渾源州

文廟 詳見學校 社稷壇 州西一里

風雲雷雨山川壇 州南二里

城隍廟 城內西北 郡厲壇 城北一里

北嶽廟 州南二十里唐武德間建

孟姜女廟 城東北龍角山上俗傳秦時其夫築

城而死姜向長城而哭城為之崩

東嶽廟 東門外唐開元間州人馮安建

律呂神祠 州西北七里神谿中孤石上元魏時

建

唐孫真人廟 城隍廟東

龍王堂二 一在西門外 一在恒山陰畔

關王廟 州治北

蔚州

文廟 見學校

社稷壇 西關外偏北一里

風雲雷雨山川壇 南關外偏東一里

城隍廟 城西南隅經修五次

郡厲壇 東關外偏北二里

旗纛廟 在城譙樓東三十餘步亦洪武七年指

揮周房建

玉皇廟 城北三十里陟瀾子村周房重建

八蜡廟 南關外二里有司丁祭後行禮

關王廟 南關偏西 馬神廟 南關偏東

漢文帝廟 南關廂遼穆宗建

廣靈縣

文廟 見學校 社稷壇 城西北半里許

風雲雷雨山川壇 城北二里

城隍廟 在西街 邑厲壇 城東北百步

玉皇廟 北關外

關王廟三 一在南關 一在東關

一在東臺門外

八蜡祠 南關 北嶽祠 在手福山

豐水神祠 在壺山上

東嶽行宮 在蕙花村前

廣昌縣

文廟 見學校 社稷壇 城北

風雲雷雨山川壇 城北

城隍廟 縣治北 邑厲壇 城北

馬神廟 南門外 北嶽廟 在聚雲山上

關王廟 南關內 八蜡廟 東關外

龍王廟 七山下

泰山行祠 東關外上有古塔下有涑泉傳為古

刹每年四月十八日土人饗賽商賈駢集

比干廟 縣東南十里牛心山上

李存孝廟 縣西北十五里邑人李克用養子為

將以勇力聞

靈丘縣

文廟 見學校 社稷壇 城西北

風雲雷雨山川壇 城南

城隍廟 縣治東

魏文帝廟 城東二十里

關王廟 南廓西街 南嶽行祠 縣治西

東嶽行祠 縣治東 八蜡廟 南廓街北

大同右衛

蘇武廟 衛城北四十里奉使在北十九年不屈

後還經過此地後人因敬而祀之

平魯衛

文昌廟 衛治東 關王廟 城北山畔

城隍廟 衛治東 北嶽行祠 城外南山

東嶽行祠 城東南隅 禹王廟 南關城上

雲中龍王廟 在衛城外

寺觀 陽和首附

北寺 西寺 南寺 三寺俱 勅建

三教寺 在閣北 白衣閣 在近南門

淨土寺 在南門外 千佛寺 在南關外

神峯寺 在東門外 太平寺 在大閣東

圓通寺 在東北隅 十方院 在北臺下

府城寺

南堂寺 舊府治東南一名永寧寺後魏建當時

有金玉像高一丈八尺外有九級浮屠高九十

餘丈上刹復高十丈鈴鐸聲聞十里今廢

華嚴寺二 一在舊府治西南 一在府治東南

遼人建

柳巷寺 東門外御河橋南正統間建

石窟十寺 府治三十里後魏建始神瑞終正

光歷百年而工始完其寺一同升二靈光三鎮

國四護國五崇福六童子七能仁八華九天宮

十兜率內有元載所修石佛二十龕

壁立千仞面面如來總督佟 于順治八年率

屬捐貲大為修葺俾殿閣樓臺香積禪林金碧

瑩煌巋然雁北一勝境也

禪房寺 城西南五十里唐天寶間建

觀音堂 城西十五里金重熙間建傳有一尊飛

來佛明宣德三年修

兵燹之後蕩然拆燬紫金光像暴露風雨順治八年總督佟過而參禮油然善念率屬修葺荒煙覩聖像矣

懸空寺 城西四十里焦山東

崇國寺 懷仁縣治東元至元間建

崇福寺三 一在朔州東門內金天德二年賜額

明洪武間置僧正司于內 一在渾源州南九十里 一在靈丘縣城北二十里

神應寺 朔州城西元至正年間建

興教寺 朔州治西南隅唐龍德初建

龍泉寺 馬邑縣城西北十里清流四遶狀如辟雍往來縉紳遊玩題咏甚多

棲雲寺 縣城南四十里鴈門關東元時建

佛宮寺 初名寶宮寺在應州治西遼清寧二年

田和尚建金明昌四年增修道宗賜塔額曰釋迦高三十六丈玲瓏宏敞浮屠罕麗明洪武元年塔頂佛燈連明三夜永樂四年帝北征駐蹕塔上

御題峻極神功正德三年帝遊幸

至州登塔晏賞御題天下奇觀出帑金修

大樂寺 州南三十里元皇慶二年建有碧峯獨

峯二和尚塔明洪武間 帝製詩賜碧峯辭曰

沙門號碧峯五臺山愈崇固知業已白此來石

壁空凡十一韻詩刻于山門內石上

覺興寺 州治南唐太和三年西僧清寬建明萬

曆五年僧德安增修僧覺定鑄鍾一口重三千

六百斤

法王寺 城西南香峯山金大定四年僧福益建

天王寺 城東南下社村唐太和六年僧演智建

洪武十四年僧惠和重修萬曆八年僧成僊重

修

淨土寺 州治東北金天會二年僧善祥建大定

二十四年僧善聳重修

彌陀寺 城西南賈庄村金明昌五年僧智廣建

萬曆十三年住持圖慈重修

文殊寺 城東小石村相傳文殊說法于此遼乾

統六年西僧義譚和尚講經寺中遂建殿宇洪

武六年僧文興重修成化正德間俱重修寺有

古松霜皮蒼翠枝幹如龍

龍泉寺 城東耀山大定二年僧一如建萬曆二

年修

觀音寺 城東南下社村元韓元帥習靜處今寺
後有高樓即古望城基址

慈雲庵 州治西北元天曆二年建永樂七年重
修

瑞雲寺 山陰縣城南佛宿遼明昌三年建

臥佛寺 縣治西元時建

洪聖寺 縣西南新家寨宋太平興國八年僧重

鑿修

得聖寺 縣東北二十五里洪武十年重修

沙家寺 縣南三十里迎嵐里金明昌二年建

永安寺 渾源州治東北元時建

圓覺寺 州治東金正隆三年建釋迦塔一座九

層

靜居寺 州南二十里元至治三年建

永固寺 州東北四十里金大定年建

玉泉寺 州東南玉泉山下元時建

西禪寺 州西五十里元時建

寶峯寺 州西三十里元至元十七年建

大雲寺二 一在渾源州有上下二院 一在靈

丘縣內天順間修

懸空寺 州南十里磁窰口崖懸穴三百餘丈後

魏建

金河十寺 蔚州東南八十里五臺山下河中碎

石如金

崇教寺 州西三十里舊華嚴寺

靈巖寺 州城內西北古刹元末燬明正統間

勅修

雙松寺 城西北隅即古三學寺故址

海山寺 州東七十里明遠店

黃梅寺 州東五十里黃梅村

金覺寺 州東六十里立臺村

祥雲寺 州東北七十里付家庄

鐵黎寺 州東七十里赤崖村

上峯寺 州東七十里上寺村

天井寺 廣靈縣城西三十五里正統十一年修

聖佛寺 縣西南三十里元至元間建上有靈塔

三座

白羊寺 縣西五十里白羊山古刹景泰三年修

清涼寺 縣西白羊山元至元間建

聖泉寺

縣南二十里榆杏山元建

羅漢寺

縣東十里洪武三年建

聖壽寺

縣治西北洪武十六年置僧會司于內

福智寺

縣東三里金真元三年建

哭迴寺

縣南一百里唐開元二年建

白馬寺

縣西北四十里

弘教寺

縣東北三十里唐清泰二年建

石門寺

廣昌縣城東十里

閣子寺

縣治北明洪武間置僧會司

太寧觀

府治東南遼建舊名湛然有九真堂明

洪武初改為大同縣十年置縣令治此改為太

寧觀置道紀司

冲虛觀

州治西南唐廣德四年羽客鳳鳴岐建

天福六年道士呂名先重修洪武八年改築州

城本觀中分止存寥陽一殿

雲溪觀

城西南安峪村梁中統三年道士寇謙

建

玄同觀

城南武家庄元延二年道士劉葆光建

龍翔宮

府治東遼金建洪武間重修

玉虛觀

府北新城內景泰四年建

大清觀 懷仁縣治東北元時建

紫極觀 蔚州城西南三十里元建

洞玄觀 靈丘縣治西北元建泰和間重修

保真觀 廣靈縣治西十二里元建

集僊觀 縣治西三十里元建

論曰爰考周禮宗伯掌邦國之神祇舞雩舞粢各異其制有功德於民者春秋載祀凡以協幽明而承休嘉他如祠宇寺觀化俗動衆皆其神道設教之遺

清興聿隆祀典一仍前代順治八年頒 詔中外祀

闕里暨帝王陵廟天下名山大川斯其懷柔百神一
代秩宗萬禩俎豆之光矣

陵墓

蕭蕭鼓子落日風吹樵夫豎牧指點涕歛狸首黥
聊馬鬣紛披人之云亡德望堪思誌陵墓

雲中郡

李總兵墓 李東暘宣大總兵在西山去城十里

李別駕墓 李毓秀江西通判在城西榆林村

曹將軍墓 曹安明天順間御修內有石幢翁仲松

栢古幹蓋因其迎駕之功也去城十里餘在西山

之麓惜碑字剥落

李知縣墓

李正茂山東聊城縣知縣在衛官人屯

張總兵墓

張巍昌平總兵在城南十五里

張總兵墓

張萬邦寧武總兵在關山口十五里

林知縣墓

林桂陝西武功縣知縣在城南青中村

之南

漢明妃墓

府西北五百里古豐州西六十里塞草

皆黃惟此獨青

沈尚書墓

城東一百二十里沈家庄金禮部尚書

沈璋子彥祥孫思忠俱有碑塚

耿光祿

城西二十里金皇統四年墓上建塔父曰

光祿子曰銀青孫曰昭勇

段文昌墓

城東八里唐人碑已剥落

杜叅政墓

府堂南寺前元浙江叅政杜唐卿

許學士墓

元集賢學士許子遜府東關無榆坡上

三皇墓

城南十五里王家庄村

祁皇墓

城東三十里塚頭峻絕如山

元脫脫丞相墓

城東百里友宰村有碑記子孫易

姓李隸大同縣民籍

曹平章墓

元平章曹立懷仁縣西北四老溝碑存

張詡墓 金河清公懷仁八里下寨村

薛御史墓 元臣失其名縣西南二十五里薛家庄

豐王墓 唐昭宗第三子名祁祐在朔州西北黑梁

山神道存

元姬墓 後魏道武侍姬李氏善謳在朔州城北

尉遲公墓 唐鄂公敬德州西九十里無忌村石獸

存

楊太師墓 州西五里代名不可考石獸存

鄴河古墓 人代俱失因土人掘黃鼠見穴內有甕

庭堂深邃數十丈所得花甕磁器皆龍鳳文不敢

深入殆金元之貴顯歟

蕭將軍墓 州北河原上

劉節婦墓 元州人賈賢妻在州古城北

吳孝子墓 州東八里有碑志

元閻丞相墓 馬邑縣吳佑庄

青塚 馬邑縣訛傳王昭君墓闊四五畝高丈餘

亂塚 縣廣武站西北塚有二百餘堆俗傳楊將軍

與北兵戰所築

唐晉王李克用墓 應州城東安邊鎮南有遼尚書

李俊民題詠

周太師墓 周密州東城下庄隆慶間塌出

邢樞密墓 遼邢抱朴州東安邊鎮西

高丞相墓 金高汝勵州南接馬峪石獸俱存

韓元帥墓 元韓浩州南茹越口前

李佐丞墓 元李彥古州東北有翁仲碑碣

唐康君立墓 山陰縣東十五里為昭義軍留後

沙節度墓 遼開國伯沙彥珣墓縣南三十里沙家

寺東山坡正德間水衝出石碣碑銘

安副帥墓 元忠州左副元帥安明本縣南六里

尚丞相墓 縣西南十五里尚家庄名代無考

元劉十萬墓 元駙馬與宮主同葬縣北在王家庄

元十老墓 縣西北五里相傳元時十人結社死遂

同穴石幢鐫極巧字惜落

蘇丞相墓 金蘇保衡在渾源州西北七里岡下

劉御史墓 金劉從益州東二十里

雷學士墓 金雷彥正西南一里

高元帥墓 元高定州西二十五里

孫尚書墓 元孫公亮州西北二十五里晝錦山之

陽

程叅政墓 金臣謚忠簡蔚州城西南五里蔣家窠

楊治中墓

元楊斌州東三十里麥子疇

高節度墓

元高琦州東北十里君子疇

王尚書墓

元王敏州西三十里暖泉村

楊氏先塋

即元晉寧路治中楊斌祖塚趙子昂作

碑銘州東麥子疇

夏王墓

唐竇建德在廣靈縣斷駕嶺

諸王墓

俗呼亂塚相傳為金諸王陵在縣東北五

里

高尚書墓

遼高起縣南百里疇村前

康將軍墓

金康均縣西三十里北土嶺正西

龐侍郎墓

元龐清縣西馬庄村石獸翁仲俱存

張元帥墓

元張守中縣西二里有翁仲石獸

齊同知墓

元齊震縣西三里壺流河南濱

聶知州墓

元聶仁縣東南十五里加斗村有碑

趙王墓

武靈王偃靈丘縣東南三十里縣以此名

劉皇后墓

廣昌縣

陳林墓

廣昌縣

明代簡王墓

郡城東十里採掠山

戾王墓

採掠山

隱王墓

城東五十里採掠山之原

惠王墓

城東十里馬舖山

思王墓 馬舖山 懿王墓 採掠山

昭王墓 採掠山 恭王墓 採掠山

定王墓 採掠山

郭布政墓 江西布政郭紀城南十里

李御史墓 李翰臣城西北三里

劉翰林墓 劉文城南

王進士墓 王用中城北十里

李知縣墓 李承弼城東北八里

覃苑馬墓 苑卿覃應元城南二十五里

李知縣墓 李亨城西北三里

溫都憲墓 都御史溫景葵城東二十里

李郎中墓 刑部李一鄂城南十里

焦主事墓 戶部焦承光府城西

林都督墓 林椿城東南

焦都督墓 焦澤城西南

孫都督墓 孫國臣城南

李都督墓 李熙城東

唐將軍墓 鎮國將軍唐鑑應州城東安邊鎮

石尚書墓 禮部尚書石瑁城東南劉義村

候翰林墓 編修侯復城南

王太守墓 王魏城南

寇給事墓 戶科寇謙州南下社村

陸御史墓 陸厚州北邊耀山

田義士墓 贈監丞田盛州南關前尚書石珍誌銘

田知州墓 贈通議大夫耀州守田天澤州南關前

有循吏傳碑

杜太僕墓 寺丞杜榮州西一里

霍王事墓 兵部霍希夔城東龍岩山

田大夫墓 贈通議大夫田維魯城東吏部侍郎孫

繼臯誌銘

米太守墓 米瓘山陰縣東關外

成中丞墓 成文縣北四十里

郭中丞墓 郭登庸縣南沙家寺邨北

郭御史墓 郭民敬縣東北

郭兵憲墓 郭石縣南三里

王學士墓 贈大學士王憲武縣北四十里周家庄

大學士王錫爵志銘

王少保墓 文端王家屏縣西北三十里河陽堡大

學士沈一貫沈鯉碑銘

李方伯墓 李彛渾源州東北二里

孫方伯墓 孫逢雪州東北二里

朱國公墓 朱國公祖朱明蔚州東七十里明遠店

宋員外墓 南京戶部宋弼州東北八里黃家店

宋大理墓 寺丞宋經州東北八里黃家庄

高參議墓 高綸州西南三十里馬家庄

袁僉事墓 袁鳳州東六十里海子窰村

張副使墓 張憲州東二十里代王城

李參政墓 李從正州西南二十五里周家庄

郝尚書墓 兵部郝杰州城南

喬御史墓 喬廷棟州城東

齊侍郎墓 齊韶廣靈縣西北十五里井子窰村

李寺丞墓 李景縣馬厲壇

白通判墓 白塗縣東北八里

馬總兵墓 馬芳縣東北十五里中焦山村

李柱國墓 贈光祿大夫上柱國李忠愍在平櫓衛

東五里

論曰一種青山踏人拜秋草之陵後之所借以傳

不朽者寧必纍纍是稽也哉然功德懋著風流韻

遠祿位顯赫遺澤昭然此薛孟君之泔泔數行下

而羊曇之策扣西州播人耳目者安得湮蔓不聞

也乎詳丘壠而稱述之即謂翁仲俱存也可

雲中郡誌卷之四

大同府知府胡文燁

纂修

同知張國宗

通判陳禹謨

通判謝祖悌

推官劉宏譽

應州知州岑紹祖

渾源州知州郎永清

蔚州知州

朔州知州胡養忠

大同縣知縣王度

懷仁縣知縣劉三章

山陰縣知縣趙民善

馬邑縣知縣徐明弼

靈丘縣知縣羅森

廣靈縣知縣范發愚

廣昌縣知縣卞為麒

舉人丁大年

貢生徐化溥

廩生張元勳

李可大同校

食貨誌

賦役

洪範八政禹貢九則土賦徭役總吾民力何以培

養如源不竭經久之道量入為出誌食貨

本府新編所屬應渾蔚朔大懷山馬靈廣十一州縣

賦役全書總數

今見在

一人丁三萬六千九百六十三丁每丁徵銀九錢二

分共銀三萬四千五兩九錢六分

裁土兵一千八百六十三名每名徵銀三兩五錢共
徵銀六千五百二十兩五錢

裁土兵民壯項食原糧共銀一千四百四十兩
尖丁銀三百六十八兩六錢四分

以上四項共銀四萬二千三百三十五兩一錢

一田地三萬一千九百二十四頃四十三畝九分九
釐四毫三絲共徵夏秋稅糧馬草腳價加增牛糞
驛糧存留等銀共八萬六千七百七十九兩二分
七釐三毫二絲二忽八微三纖內

驛糧銀一萬六千六百六十四兩七錢二釐八絲三
忽一微內供

本州縣驛遞等項支用銀一萬五千一百一十二
兩二錢六分八釐四毫八絲一微
併入均徭款項支用銀一千五百五十二兩四錢
三分三釐六毫三忽

解府庫夏秋稅糧銀共四萬七千四百五十四兩八
分二釐七毫四絲三忽六微八纖

解府庫充餉官租銀一千七十兩

解府地畝加增銀四千九百五十七兩三錢二分二
釐六毫四絲五忽三微八纖

解府庫牛犊銀一千四百四十四兩三分四釐四毫
一絲內有馬草牛犊

解府庫農桑絲絹銀二兩五錢一分八釐

解府庫簾椽銀五兩四錢八分七釐

解府庫抵斗粳米銀三百七兩五錢

解府劈俸銀八十一兩

解餉庫馬草脚價銀一萬四百一十二兩八錢五分

七釐二毫二絲三忽九微八纖

存留各州縣官生俸廩銀四千三百七十九兩五錢

二分三釐二毫一絲六忽六微九纖

今見徵均徭土兵尖丁存留驛糧存留稅糧共銀四

萬八千二百六十七兩五分六釐八毫一絲九忽

六微九纖內

經費款項共支銀二萬三千六百一十八兩二錢七

分四釐

賦役款項共充餉銀三千五百四十兩四錢八分二

釐七毫

賦役應留款項共支銀二萬一千七十九兩七錢五

分

以上三項共支銀四萬八千二百三十八兩五錢

六釐七毫

一遇朝 覲科舉會試之年照款項派徵

本府廳路州縣朝 覲紙張綾背等項銀九百七十

兩

科舉賓興盤纏銀四百四十兩

新中文武舉人進士牌坊花紅旗匾等項銀三百八

十五兩

以上如遇朝 覲科舉會試每一年派銀一千七

百九十五兩三年共合銀五千三百八十五兩之

數俟臨時應用銀兩之日該州縣列款另詳請明

派徵

本府所屬東中西南四路暨二十三衛所堡屯田牛

餘等地除蠲免荒蕪城破人傷并給軍抵餉外見

徵

地二萬七千八百九十七頃一十二畝四分五釐二

毫二絲三微內該折色糧草牛餘等銀三萬二千

一百一十六兩六錢一分五釐二毫五忽二微八

織七塵本色糧一萬三千八百四石五斗三升二

合四勺五撮三圭七粟八粒本色草三萬三千五

百六束九釐四毫九絲八忽

本府東中西南四路所屬

陽高衛天鎮衛大同前後衛左雲衛右玉衛威遠
衛平糧衛朔州衛安東衛九衛及大同左等十四
團操與安渾中所并平所馬邑所山陰所懷仁後
所五所七年分編定人丁名數實徵錢糧數目併
武職經費及供解各衙門公用銀兩數目

今次編定七年分見在戶口人丁二萬五千六百五
十一名內

民丁二萬四千六百五十一丁每名丁銀四錢共徵
尖丁九千八百六十兩四錢

兵丁一千名舊例各納丁銀不等共徵丁銀一百五
十六兩八錢

二項共審編丁銀一萬一十七兩二錢內

一各衛所并三都司俸薪等項照經費查算每年額
該經費共用銀八千九百八十七兩二錢一分四
釐內

屯糧內支銀三千五百七十七兩三錢八分

尖丁內支銀五千四百九兩八錢三分四釐

一各衛所議留勢不可裁并左等團操高山聚落城
供應都司庫等項每年額該共用銀五千三百九

十六兩七錢內

屯糧內支銀七百八十九兩三錢三分四釐
尖丁內支銀四千六百七兩三錢六分六釐

前件查得今次編審七年分見在戶口尖丁銀一萬一十七兩二錢今查算各衛所經費并三都司俸薪每歲額該共用銀八千九百八十七兩二錢一分四釐內除屯糧銀三千五百七十七兩三錢八分于尖丁內支銀五千四百九兩八錢三分四釐又議留勢不可裁每歲額該共用銀五千三百九十六兩七錢內除屯糧銀七百八十九兩三錢三分四釐外于尖丁內支銀四千六百七兩三錢六分六釐以上經費并議留二項每歲共該銀一萬四千三百八十三兩九錢一分四釐內支屯糧銀四千三百六十六兩七錢一分四釐外于尖丁內支銀一萬一十七兩二錢今查算新編前項尖丁銀一萬一十七兩二錢

論曰粟米力役無不取辦于地與民今昔一致何以闡蕪滋耗迥不侔也遠不具論明如萬曆迄于崇禎之末登耗大數相懸過倍豈盡天災病民乎漢文求理于良二千石唐太宗注守令于御辱其

于經國之道可謂洞識本原矣今

天子軫恤民艱監古賦役書勅成經費又

恩詔誕敷開豁荒逋蠲免丁徭之半愛養元元極其周
摯漢唐之盛曷逾諸然稽攷平準食債循吏實相
表襄班氏曰吏良而令善萬民乂安嗚呼此千古
致治之本也

附佟總督養量免起科請豁荒二疏 順治七年
九月初八日准司農議以各衛所屯田地畝俱照
州縣民田徵糧則例一体起科題奉

聖旨依議行欽此備咨到部院該本部院看得雲鎮地

處極邊山高風猛種遲霜蚤南邊莠李開謝北邊
萌芽纔生則天時不若也腹裏肥膏每畝收田二
三石所謂寸金寸土邊方土壤砂瘠每畝地價不
過三五錢遇雨暘時若之際收五斗者便稱有年
則地利不若也况值逆闖變後繼以天災疊至復
罹姜禍兵戈擾攘邊方之苦不惟當事者確知

諸王公大人所親履而目擊者若再與腹裏州縣同
科竊恐加多而並廢其少取盈而反致其虧夫有
人斯有財益下卽所以益上也隨卽覆
部免厥加額

又據大同府知府胡文燁詳查渾源朔州大同縣
自多事于姜逆人民新經死亡共遺拋荒地一萬
三千四百九十九頃零歲該地糧銀二萬七千八
百三十四兩零本部院念其地糧無出考成不免
累官歎迫又滋害民事關

國本貽害匪細于七年十二月十五日繕疏力

請荷蒙

聖恩蠲豁前賦以二年後起科勸諭有司宣布

皇上德意廣示招徠

附大同縣知縣王度奏定經費稿

大同府為酌定官員經費事順治八年五月十六

日蒙

總督佟 批據本府申蒙

本部院案驗准戶部咨前事備蒙案仰該府官吏

即將遵照部文內事理轉行各該州縣設法搜尋

務得萬曆年間賦役全書舊本咨部以為規則如

無萬曆年間舊本今應作何規定確議速報以憑

覆部施行蒙此隨即備行所屬廳路十一州縣各

查照咨文內事理設法搜尋萬曆年間賦役全書

舊本去後今准本府西南中三路同知通判張國

宗等關牒及應渾尉朔大懷山馬靈廣十一州縣各申報並無萬曆年間賦役全書舊本緣繇各回報到府據此查得奉部文搜查萬曆年間賦役全書舊本况今雲鎮自遭姜逆之變城破卷失多方搜尋併無舊本惟恐稽延號件今蒙

部發賦役全書與同去歲造報未投部經費文冊乞討院道書吏并調各州縣經承人役會同另造冊劄呈驗明白覈實方敢造細轉達咨

部早結號件以免部催稽延之責相應申請合候本部院詳示遵行緣繇申乞照詳蒙批部發底冊行府已久迄今方為呈請批示經承深屬怠玩該府星夜調集人役攢造報部速速院道書吏准發蒙此遵照批示隨即分投差人調到各州縣經承人役并部發賦役全書及未投部經費文冊俱發大同縣王知縣星速逐項逐款查造及屢催去後今據本官申稱查議得部發官員經費併及賦役全書者謂張官置吏居

朝廷經費之一而全書錢糧括

國家經費之詳也一切錢糧倉口款項徵輸遵照萬曆年間者謂天啓崇禎時加派繁多而萬曆年間賦

後中正也今查

本朝定鼎以來兩次題豁過荒糧銀六萬九千八百九十二兩七錢八分九釐零體恤民隱已屬周摯卽萬曆時全書具在較此時徵輸之數反多勢不能復厥原額乃搜並無萬曆全書是則見徵稅驛均徭及加增等項錙銖皆屬惟正而民樂輸將者也故凡丁地稅驛徭銀起存裁留俱以抄發全書原額爲舊管以見今起解充餉存留支用各款目爲實在就中開豁添入各緣繇逐款登明俾闔府十一州縣之錢糧清釐則官員等費始可得而言矣

蓋一代之興王自有一代之憲典如官吏俸薪廩給地方郵驛祭祀等項皆因時制宜有昔無而今有者昔而今無者有先多而後少者有先少而後多者有名異而實同者有名同而實異者使逐項截長補短頭緒愈難清楚合無以見在之存留定見在之支費通融覈筭綱目畢舉而截長補短之法自在其中似覺直截簡便也今查原額人丁八萬四千一百六十二丁分等則徵銀四萬五百五十一兩五錢二分今見在三萬六千九百六十三丁一條鞭徵收每丁九錢二分該銀三萬四千五

兩九錢六分原額地六萬五千七百七頃二十七
 畝該夏秋稅糧銀一十二萬九千一百兩四錢五
 分零內存留銀四千二百六十五兩五錢三分零
 今見在田地三萬一千九百二十四頃四十三畝
 零該徵銀五萬七千八百六十六兩九錢三分九
 釐零內七年咨部前册存留四千三百七十九兩
 伍錢二分三釐零原額驛糧銀二萬八千二百六
 十七兩八錢一分三釐零皆驛遞之用內扣留七
 千八十七兩八錢四分八釐參入徭銀支費今見
 徵驛糧一萬六千六百六十四兩七錢二釐零內

除各州縣驛遞支應擬扣撥銀一千五百五十二
 兩四錢三分三釐零與舊支尖丁銀三百六十八
 兩六錢四分同入徭銀支費外見徵加增牛犊官
 租等項銀七千八百六十七兩八錢六分二釐零
 與見徵稅糧銀五萬七千八百六十六兩九錢三
 分九釐零共銀六萬五千七百三十四兩八錢一
 釐零俱係起解外存扣稅糧驛糧兩項銀五千九
 百三十二兩九錢五分零夫官員經費與地方支
 用皆出自均徭因徭銀不足以大驛糧扣留補全
 書開載甚明及查徭銀內有解充兵餉項款銀三

千五百四十兩四錢八分二釐七毫扣應照舊起
解外實在聽支徑銀三萬四百六十五兩四錢七
分七釐三毫又新裁土兵二千六十三名該銀七
千九百六十兩五錢今扣留大驛尖丁裁土兵實
支均徑銀共四萬八千二百六十七兩五分零按
見在銀數扣算官員經費裁定地方經費分

欽定供應上臺一款

欽定本處官員經費一款全書應留供應上臺一款全
書應留本處經費一款各款內條件數目臚列詳
明覆按賦役全書舊款歲支銀五萬一千九兩

錢玖分三釐零今定經費歲用銀四千六百九十
八兩二分四釐零覈見徵均徑土兵及尖丁并大
驛實數四萬八千二百六十七兩五分六釐零除
經費應支四萬四千六百九十八兩二分四釐零
餘銀二十八兩五錢五分零相應附均徑充餉三
千五百四十兩四錢八分二釐零起解外府州縣
朝覲經費科舉賓興文武舉人進士坊金車價共銀五
千三百八十五兩係三年一舉似應臨時編派至
于各州縣額支錢糧有有餘者解府以抵州縣有
不敷銀兩者支用今將各州縣丁地稅驛徑銀起

鮮應留應裁分晰總撤款項數目備造草劄緣由
到府據此該本府隨將該縣編造完四州七縣賦
役全書款項草劄稟送

本部院閱驗明白發府照劄速造蒙此遵將發下
驗准草劄備造清冊一樣三本相應申請合候
本部院詳示移咨

部該府還宜選差素知款項員役以便登咨蒙此
擬合就行爲此帖仰本縣官吏照帖事理該縣一
面遵照批示選差素知款項員役赴京投冊一面
移會應渾尉朔懷山馬靈廣十州縣應用盤費作
何派解該縣確議會妥星速申報本府以憑立等
轉報此件最急立候武職經費文冊造完指日發
咨速速

食貨誌

物產

民所滋生各依方物何必藍浦產彼珠玉撫此全
雲日用粗足薄言挹之仰事俯畜誌物產

穀屬

黍 稷 高粱 稻粟 大麥

小麥 蕎麥 油麥 黑豆 黃豆

菜豆 短豆 匾豆 豇豆 稗麻 胡麻
蚕豆 苦苣 架豆 小豆 茶豆 龍瓜豆
白豆 青豆 大豆 兔眼豆

菜屬

芥菜 白菜 蔓菁 玉蔓菁 白蘿蔔 蕎巨

黃花 刀豆 蒼蓮 胡蘿蔔 莧 茄

芹 韭 葱 蒜 蕨 地椒

磨菜 甜苣 苦苣 地皮 芫荽 藤蒿

菠菜 龍芽 府城南山出 鹿尾 廣靈 木耳 蔚州應州出

蒲笋 黃薺 羊肚 馬齒莧

瓜屬

西瓜 甜瓜 苦瓜 黃瓜 南瓜 木瓜

菜瓜 絲瓜 葫蘆 長瓠 西瓠

果屬

杏 李 梨 沙果 葡萄 櫻桃

石榴 無花果 山麻子 榛子 渾源州出

核棗 靈丘出 栗子 廣昌出 松子 蓮房 藕

蘋果 上皆蔚州出 社梨 小棗 小棗 秋子

棗 刺梨 郁李 柰 羊棗

木屬

松 栢 桑 榑 楊 柳

榆 槐 椿 檜 椴 楸

暖木 棠樹 棟 銀木 檀 杆

楮 酸棗

花屬

芍藥 刺梅 鳳仙 萱草 百般嬌 山丹

旱荷花 葵 西番蓮 粉團

菊 石竹 牽牛 金盞 一樣錦 拳丹

玉梅馬邑出 漫陀羅 雞冠 珍珠花

剪紅羅應州出 小紅花 篆枝蓮應州出

薔薇 丁香 迎春 玉簪 碧桃 水紅

望江南 月季 藍花 黃花 紫金蓮

秋風戲蝴蝶 菊花 櫻粟花 滿池嬌

圓竹一名蝶 蓮

草屬

艾 蒿 蓼 菁 菖蒲 茅

蓑草 龍鬚草 莎 蓬 金絲草

菅 馬蘭 水葱 獨穗 狼校 潦藜

燈籠草 車前草 蒺藜 苜蓿

薺初出可食子為葶藶 牛脂 香白 青健

藥屬

管仲 沙參上二味俱馬邑出 黃芩 草烏 大黃

芍藥 藿麥 防風 知母 黃精 梨蘆

茅香 秦艽 羌活 甘草 大戟 地黃

黃耆 麻黃 茯苓 茯神 五味子 地骨皮

馬薺鈴 葳靈仙 枸杞子 益母草

茵陳 葛根 紫蘇 紫胡 天仙子 車前草

荆芥 蒼朮 地椒 地榆 牛蒡子 旋覆花

桔梗 細辛 遠志 狗脊 苦參 氣砂

蠶質 楮苓 薄荷 款冬花白地椒以下十四味出朔州更廣

麻黃 京三稜 川芎 郁李仁 葶藶

黑白牽牛 葶麻子 野菊花麻黃以下八味出馬邑

升麻 狼毒 前胡 獨活 蒲葦英

香附 地丁 金銀花 蒼耳升麻以下九味出應州

不灰木 地鼈 香皮 金剛骨朔州出 酸棗仁

三稜 鹿茸 石膏 御米 紅娘子 半夏

野菊花 苦丁草 和尚苗 龍骨 虎骨

鹿骨 牛黃 熊胆 麝香 南星 烏頭

破故紙

羽屬

鷹 雀 慈烏 鶴 青鳩 鴉

鷓鴣 水鴨 雉 鴿 雁 玄鷲

鷓鴣 灰鷲 天鷲 鳩 社鷲 鷓鴣

鷓鴣 鷓鴣 鷓鴣 沙鷲 鷓鴣 鷲

咱臘 黎鷲 兔鷲 画眉 雨鳩 班鳩

石鷲 半痴即半翅 鷓鴣 白鷲 鴛鴦射時有之

鷓鴣 野鷲 青鷲 黃鷲 布穀 應山紅

鷓鴣 鷓鴣 黃鷲 蠟嘴 銅嘴 叫天兒

毛屬 白翎 種穀鳥 閩呆漢

虎 豹 熊 兔 狐 狼

麋 麋 鹿 獾 狸 麝

夜猴 黃羊 豺 完羊在豐稔山有 黃鼠惟此地稱羨

猴 山羊 野豕 獾獺

家畜

鷲 鴨 鷄 牛 馬 騾

驢 羊 豕 狗 猫

蟲屬

螺 促織 蝸牛 蜻蜒 螻蟻 蚯蚓

螻蛄 蟬 百脚 蟻螂 蚊 蝶

蛙 螢 蛇 殺豆虫 蠶 蟋蟀

螳螂 土蜂 蜥蜴 蜘蛛 蝙蝠 蚕蛾

蜜蜂

石屬附土屬

瑪瑙石蔚州山出 花班石蔚及屬縣出 碾玉石廢宜寧縣出

石碌廢平地縣出 不灰木 礬 礬紅 螺粉

土粉 鹽 土紅 紫土張華取以飾劍 包金土

靛城陽和橋頭村佳 石灰 煨炭一名蘭炭出蔚州

斃器 棠葉 赤綠皮 皮硝 石青 土子

論曰甫甫嘖嘖式表韓土之盛厄甚甚非聿昭列

侯之豐則夫利用厚生之需有一不資物產者乎

第石佳而大理煩茶貴而虎丘竭產異物何如座

用物之裨益宏也雲土高允沙磧凡動植纖細之

物亦有所常有而已奚具哉太史公曰甘食美

服安其居而樂其業惟是桑綿不作織紡罕有斯

乃邊方之獨苦者

國



